



Илларион Прянишников. "Калики переходящие", 1870 г.

# Канон молебен за ТВОРЯЩИХ МИЛОСТЫНЮ

**С**ей канон взят мною из Псалтири XVII века, печати времени патр. Иосифа, т.е. из дониконовских книг, но смысл настоящего канона и актуальность его в наши дни побудили меня переработать его - изменив свойственное старопечатным книгам произношение отдельных слов на современное церковное, а также пришлось некоторые весьма архаичные формы приблизить к привычным нам по богослужебным книгам и молитвослову. Мне бы хотелось издать канон в виде книжечки, думаю, что многие православные захотели бы помолиться за своих благодетелей, но пока интернет оказывается оперативнее. Если у кого возникнет желание издать этот канон, то я с духовной радостью разрешаю это сделать с условием, если вы упомянете источник<sup>1</sup>, откуда был взят канон и помолитесь за недостойного **иерея Игоря**.

---

<sup>1</sup> Этот канон совершенно случайно был найден редакцией [сайта Киевского больничного храма свт. Луки Крымского](#) на сайте [Семинарская и святоотеческая православные библиотеки](#) (pravlib.ru).

По обычном начале. Царю Небесный. Трисвятое и по Отче наш.  
И псалом 142. Господи, услыши молитву мою. Бог Господь со стихи.  
Также тропари обычные, глас 6. Помилуй нас, Господи, помилуй нас.  
Псалом 50.

## Канон, глас 6

### Песнь 1

**Ирмос:** Яко по сѹху пешешествовав Израиль, по бѣздне стопами, гонителя фараона видя по-топляема, Богу побѣдную песнь поем вопияше.

**Припев:** Милостиве Господи, помилуй раб Своих, нас питающих.

Дай молитву молящемуся, благослови лета праведных, подаждь Владыко сердечная прошения, иже приносим о рабех Твоих.

Милости подателю и источниче благодати, молим Тя подаждь рабом Твоим обильную Твою милость и всякаго дарования исполни дома их.

**Слава:** Приими хвалу от уст наших грешных, Троице Святая, Отче, Сыне и Святыи Душе, во единой державе поклоняема, мольбу приими о рабех Твоих.

**И ныне:** Пречисти Свои рuce Владычице, милостивно воздежи к Сыну Своему и Богу, просящи отпущения грехов рабом Твоим и житию исправления, и всякия благодати и милости сподоби.

### Песнь 3

**Ирмос:** Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Рекоса святая уста Твоя, Господи, просите прежде Царствия Божия и сия вся приложатся вам, темже молимся, даруй рабом Твоим причастие со святыми.

Истинно верующе евангельскому гласу, еже рече Господь, просите и дасться вам, ищите и обрящете, и мы ныне молим Тя, Христе, и просим, даруй рабом Твоим благопробывание в житии и небесных Твоих благ восприятие.

**Слава:** Троице святая единасущная, сохрани рабы Твоя от противныя силы и всякия напасти, радость творя им душевную и телесную, презря им вся согрешения.

**И ныне:** Услыши, Пречистая, моления наша и спаси рабы Твоя, Госпоже, и вся яже ко спасению прошения им подаждь, Правительница им буди ко спасенному пути.

**Припев:** Сохрани от бед раб Твоих, питающих нас, милостиве, яко усердно к Тебе прибегаем, к милостивому избавителю и всех Владыце, Господу Иисусу.

## Песнь 4

**Ирмос:** Христос моя сила, Бог и Господь, честная Церковь боголепно поёт зываящи, от смысла чиста, о Господе празднуючи.

Не презри твари Твоея, Владыко, яже создал руками Своими, не даждь прельщаться суетными мира сего, но присно влагая в сердца раб Твоих Дух Твой Святыи.

Иже Твоего ради Пресвятаго Имене, нас посещающим и питающим, и вся яже нам потребная подавающим, подаждь им, Господи, вся яже ко спасению прошения и вечных даров наслаждение.

**Слава:** Безначальная Троице и Живоначальная, спаси вся и избави силою Твоею, мирная лета и пространен живот рабом Твоим подаждь.

**И ныне:** Путь жизни Дево рождающая, на Него же настави рабы Твоя, творити божественная повеления Сына Твоего, да в них ходяще, похоти плотския удаляемся молитвами Твоими.

## Песнь 5

**Ирмос:** Божиим светом Твоим, Блаже, утреннюющих Ти души любовью озари, молюся: Ты ведети, Слово Божий, истинного Бога, от мрака греховнаго зываяща.

Боже щедрый, милостивый Боже и Господи, по множеству благодати Твоея, призри свыше, Владыко Человеколюбче, на рабы Твоя и удиви милость Свою на них и спаси уповающих на Тя от противящихся десницы Твоея, сохрани их яко зеницу ока.

Боже преблагий, посети нас обычным Твоим человеколюбием и молебную прими молитву от уст грешных и помилуй, Владыко, на Тя надеющихся, сохрани и помилуй рабы Твоя, нас питающих, да Ты вси яко Благодателя славим.

**Слава:** Превечному Отцу со Безначальным Сыном и Всесвятым Духом покланяемся во Единстве, непостыдным явитися рабом Твоим на Страшном Суде Твоём, молимся деснаго стояния и благих восприятия сподоби.

**И ныне:** Подвигни, Чистая, Ангелы и Архангелы, Пророки и Мученики, Преподобныя и Святители на молитву к Сыну Своему и Богу, в день Судный рабом Твоим получитьи обетованных благ, и zde в житий исправление и неоскудную благодать

## Песнь 6

**Ирмос:** Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

Жития нашего дни яко сень переходят, но, Господи, даровал еси Езекии<sup>2</sup> приложения лета животу, даждь и сим рабом Своим умножение лет и в них здравие и спасение.

Жития нашего время скоро течёт, и дни лет наших яко дым расходятся, но, Господи, подаждь в приложение живота лет Твоим рабом, якоже иногда подавый Езекии, Твоему угоднику.

**Слава:** На престоле херувимсте, Христе, со Отцем седяи и с Духом нераздельно и от небесных сил неизреченно хвалу приемля, тех молитвами и всех безплотных, помилуй и спаси души наша.

---

<sup>2</sup> (2 Цар. 29, 32 гл., 4 Цар. 16, 19, 20 гл., Ис. 36, 38 гл.)

**И ны́не:** Я́ко Засту́пница су́щим в беда́х, тем же к Тебе́ прибега́ем моля́щися, спаси́ и ны́не рабы́ Твоя́ Влады́чице от вся́кия напа́сти, бед и печа́ли изба́ви их, моли́твами Твоими́ Пречистая́ Де́во Богоро́дице.

И припев как и по 3-й песни.

### Конда́к, глас 6

Не има́мы ины́я по́мощи, не има́мы ины́я наде́жды, раз́ве Тебе́ Человеколю́бца Христа́ Бо́га нашего́, де́ло рук Твои́х не прэ́зри, моля́щихся Тебе́, низпосли́ благи́х Свои́х даро́в рабо́м Твои́м, нас назира́ющим, на Тебе́ наде́емся и Тобо́ю хвали́мся, Твой бо есмы́ раби́ да не посты́димся.

### И́кос

И́же всех еси́ Оте́ц преблагий́ Влады́ко, не затвори́ от нас щедро́т Твои́х, при́зри с небесе́ и виждь упова́ющих на безчисленное́ Твое́ человеколю́бие и милосе́рдие, не прэ́зри нас моля́щихся о рабе́х Твои́х, нас посеща́ющих и пита́ющих, имене́ ради́ Твоего́ свята́го свободи́ их от вся́кия ну́жды и гне́ва, и плене́ния и ско́рби и да́руй им жити́е мирно́ и безмо́лвно, безболе́зненно и невредно́; Твой бо есмы́ раби́ да не посты́димся.

### Песнь 7

**Ирмо́с:** Росода́тельну́ убо́ пещь соде́ла А́нгел преподо́бным отро́ком, Халде́и же опаля́ющее велéние Бо́жие, мучи́теля увещá вопи́ти: благослове́н еси́, Бо́же оте́ц на́ших.

Па́че всех приéмый две ле́пте убо́гия о́ныя вдови́цы, Ты и сиe Го́споди приими́ подава́ние, е́же к нашей́ худости́ творят и даждь седмери́цею в не́дра их, вели́кую Твою́ милость.

С небесе́ Твою́ милость пода́ждь нам Христе́, наде́ющимся на Тя, и прóсим грéшнии и недо́стойнии, да́руй милости́ Твоя́ бога́тые, е́же к нам убо́гим милость показу́ющим стократи́цею тем да́руй на земли́ благая́ и вме́сто земных небéсная.

**Сла́ва:** О́тче и Сы́не и Святы́й Ду́ше, Тебе́ ве́рно покланя́емся Твоея́ тре́буя милости́ рабо́м Твои́м пода́ждь нас назира́ющим вме́сто земных небéсная, и вме́сто вре́менных ве́чная благая́.

**И ны́не:** Во всех сый́ грéшнее есмь, на не́бо воззрéти не сме́ю, но к Тебе́ прибега́ю и, Влады́чице Ма́ти Бо́жия Пречистая́, рабы́ Твоя́ Госпо́же нас пита́ющих изба́ви ве́чнаго мучéния.

### Песнь 8

**Ирмо́с:** Из пла́мене преподо́бным ро́су источи́л еси́ и пра́веднаго жéртву водо́ю попали́л еси́: вся́ бо твори́ши, Христе́, токмо́ е́же хотéти: Тя превозно́сим во вся́ ве́ки.

Милостиве́ человеколю́бче Го́споди, всего́ ми́ра грехи́ взима́я, и сих отда́нию сподо́би и отпусти́ рабо́м Твои́м нас упоко́ившим вся́кое прегрéшение, вольное́ и невольное́, все́ и́же сотвори́ша ведéнием и неведéнием или́ сло́вом или́ помышле́нием.

Воззрéте на пти́цы небéсная, е́же рече́ Госпо́дь, я́ко Оте́ц небéсный пита́ет их и мы грéшнии и недо́стойнии Влады́ко Твой раби́ на Тя, Небéснаго Отца́, упова́ем: хлеб наш по́ вся́ дни даждь нам и отпусти́ рабо́м Свои́м, нам вся́ согрéшения на́ша и не введи́ нас во искуше́ние, но изба́ви нас от лука́ваго.

**Слава:** Господи, иже преподобный Свой Дух апостолом Твоим послав, того Благий не отыми от сих рабов Твоих и обитель в них сотвори волею Твоею. Троице Святая, спаси любящая Тя верою Твоя служители.

**И ныне:** Явленная от века всем христианом Заступнице и во благих ходатаице о мире Владычице прими молитву и донеси Сыну Своему и Богу нашему, спаси рабы Твоя, любящая Тя от всякия напасти и диаволя искушения.

## Песнь 9

**Ирмос:** Бога человеком невозможно видети, на Негоже не смеют чини Ангельстии взирати: Тобою же, Всечистая, явися человеком Слово воплощено, Егоже величающе, с небесными вои Тя ублажаем.

Множество благости Твоея долготерпеливе Господи, щедрот неодолима пучино, помилуй раб Твоих, упокоивших нас и напитавших, презри согрешения их, и от напрасных напастей скоро заступи и души их во освящении соблюди молитвами Пречистыя Твоея Матере.

Бога плотию родила еси, Владычице, и рождши питаеши Питающаго, и Дающаго пищу всякой плоти, и нас питающих не лишь мзды своея, умножи всякаго блага на пользу всем стократцею, и даруй им получитьи жизнь вечную.

**Слава:** О Всемилостивая Всесвятая Троице, помилуй рабы Твоя, нас милующих, даждь им довольная по множеству милости Твоея, и домы их наполни всякаго блага, воздаждь им, Господи, вместо тленных нетленная.

**И ныне:** За вся христианы помолися, Владычице, со всеми святыми непрестанно, о избавлении града сего и всякаго града и страны, и верою живущих в них, любящим же нас воздаждь богатыми дарами.

*Достойно есть. И поклоны, елико хочещи.*

**Конец и Богу слава.**

*Киевский больничный храм Свт. Луки Крымского*